

DE KROG AN'N SEE

Klaus Irmischer 4/2011

Dat Woter, dat krüselt, de Heben lücht blau
De Bööm op de Insel ward grön
Den geelen Busch inne Eck vonne Heck
Den kiek ik to bi't Blöhn
Knospen anne Büsch un Bommeln an'n Boom
Ik plierög un nipp an mien Tee
To'n ersten Mol in düssen Johr
Sitt ik buten bi'n Krog an'n See

Refrain

Bi'n Krog an'n See, bi'n Krog an'n See
Buten bi'n Krog an'n See

Dree Vagels de singt – een schimpt op een Katt
Un de Haubentauchers, de gackst
Een Aand landt mit'n Zisch op'n See
Un allens, wat grön ward, dat wachst
An de annneren Dische, dor klönt de Lüüd
Ik luster op ehr Schnackeree
Vun Arbeed, vun Krankheiten, vun Politik
Buten bi'n Krog an'n See

As Schooljung, dor bün ik hier all west
Un ik weet noch – na veel Quengelee
Hett Grotvadder mi een Limo betolt
An'n Sünndag in'n Krog an'n See
Un later, mien Fru un unse Deern
Keem gern mit op'n Is un'n Tee
Un so lang as de Heben mi laten deit
Kümm ik wedder na'n Krog an'n See